

596:
MAHATHIR

1974

JITRA, 1 DIS. (BERNAMA) -- MENTERI PELAJARAN, DR. MAHATHIR BIN MOHAMAD HARI INI MEMBERI AMARAN TENTANG ADANYA PELAJAR-PELAJAR UNIVERSITI MASUK KE KAMPUNG-KAMPUNG MENGHASUT RAKYAT SUPAYA MENENTANG KERAJAAN.

BELIAU MENINGATKAN PENDUDUK KAMPUNG SUPAYA JANGAN MENERIMA KEMASUKAN PELAJAR-PELAJAR ITU YANG AKAN MENGADAKAN TUNJUK PERASAAN KONONNYA BAGI MENYOKONG RAKYAT YANG MENDERITA DIKAMPUNG.

DR. MAHATHIR MENYATAKAN DEMIKIAN SEMASA BERUCAP KEPADA KIRA-KIRA 1,000 ORANG PENDUDUK DARI BEBERAPA BUAH KAMPUNG DI KUKIM MALAU, DI SEKOLAH KEBANGSAAN MALAU, LIMA BATI DARI SINI.

MENTERI ITU BERKATA, CUBAAN OLEH PELAJAR-PELAJAR ITU UNTUK MENGHASUT RAKYAT TELAH PUN BERLAKU DI KUBANG PASU, TETAPI MEREKA GAGAL.

BELIAU BERKATA, PARA PELAJAR ITU SANGGUP BERUCAP DAN MENEMUI BEBERAPA ORANG PENDUDUK KAMPUNG BAGI MENENTANG KERAJAAN.

+KEGIATAN MEREKA ADA KAITAN DENGAN KOMUNIS YANG BERTINDAK HENDAK MENJATUHKAN KERAJAAN DEMI KEPENTINGAN PERJUANGAN MEREKA,+ KATANYA.

DR. MAHATHIR BERKATA, PARA PELAJAR ITU JUGA SANGGUP MENCELAR DAN MENCABAR IBUBAPA MEREKA JIKA ENGGAN MENYOKONG PERJUANGAN MEREKA ITU. -- BERSAMBUNG 2035/SZ

597:
MAHATHIR 2 JITRA

BELIAU BERKATA, KERAJAAN MENGUNTUKKAN KIRA-KIRA \$100 JUTA SETAHUN UNTUK PERBELANJAAN LIMA BUAH UNIVERSITI DI NEGARA INI.

LANGKAH TERSERBUT ADALAH UNTUK PARA PELAJAR MELANJUTKAN PELAJARAN YANG LEBIH TINGGI LAGI, KATANYA.

DR. MAHATHIR BERKATA, KERAJAAN JUGA MEMBELANJAKAN SEBANYAK \$22 JUTA SETAHUN UNTUK 2,000 ORANG PELAJAR DI UNIVERSITI KEBANGSAAN.

INI ADALAH UNTUK MEMBERI PELUANG KEPADA ANAK-ANAK MUDA BELAJAR, SEBALIKNYA MEREKA MENJELAJAH KE SANA KE MARI Mencari KESALAHAN KERAJAAN, TAMBAHNYA.

DR. MAHATHIR BERKATA, BELUM ADA RAKYAT DI NEGARA INI YANG MATI KELAPARAN SEPERTI YANG BERLAKU DI BEBERAPA BUAH NEGARA LAIN.

UMPAMANYA, DISAMA BANJIR KERAJAAN MENGGUNAKAN KAPALTERBANG, HELIKOPTER DAN LORI UNTUK MEMBAWA MAKANAN SUPAYA RAKYAT TIDAK MATI KELAPARAN AKIBAT KEJADIAN ITU, TAMBAH MENTERI ITU.

KATANYA, KERAJAAN ADALAH BERTANGGUNGJAWAB TERHADAP RAKYAT.

SEBELUM ITU SEORANG ANGGOTA MAJLIS KERJA (EXCO) NEGERI KEDAH YANG JUGA ANGGOTA DEWAN NEGERI KAWASAN JITRA ENCİK OSMAN BIN AROFF DALAM UCAPANNYA MEMBERI JAMINAN KERAJAAN TIDAK AKAN MENCUAIKAN TANGGUNGJAWABNYA TERHADAP RAKYAT.

KERAJAAN SEDAR MASIH BANYAK KEMAJUAN YANG DIPERLUKAN DIKAMPUNG-KAMPUNG DAN SENTIASA BERUSAHA DARI SEMASA KE SEMASA MEMBAIKINYA, KATANYA,

BAGAIMANAPUN KEMAJUAN YANG ADA SEKARANG JAUH BANYAK BERUBAH SEJAK NEGARA MENCAPAI KEMERDEKAAN, TAMBAHNYA.

TURUT HADIR DI PERJUMPAAN ITU IALAH PENGARAH PELAJARAN KEDAH, ENCİK JAMAAT BIN HAJI MOHAMAD DAN PEGAWAI DAERAH KUBANG PASU, ENCİK TAJUDDIN BIN HAJI HASHIM. -- BERNAMA 2040/SZ

209